

უხვი ნალექის შედეგან სოფელ ატენში საავტომობილო მიმოსვლა შეფერხდა

09 მაისი 2021

უხვი ნალექის შედეგად გორის მუნიციპალიტეტის სოფელ ატენში გარკვეული პრობლემები შეიქმნა. ძლიერმა წვიმამ მთიდან ქვა-ლორღი ჩამოიტანა და ატენის თემში შემავალი სოფლების დამაკავშირებელი გზა რამდენიმე ადგილზე ჩახერგა. შედეგად შეფერხდა საავტომობილო მიმოსვლა.

ადგილზე იმყოფებოდა შიდა ქართლის სახელმწიფო რწმუნებული მამუკა სალარეიშვილი და გორის მუნიციპალიტეტის მერი კონსტანტინე თავზარაშვილი. მამუკა სალარეიშვილის თქმით, შესაბამისი სამსახურების ერთობლივი და კოორდინირებული მუშაობის შედეგად გზის განმენდითი სამუშაოები ოპერატიულად განხორციელდა და ჩახერგილი გზა უკვე გახსნილია.

ატენის ხეობაში გორის მუნიციპალიტეტის მერიის კეთილმონყობის სააგენტოსა და სამაშველო სამსახურის სპეციალური ტექნიკა მუშაობს, ამ ეტაპისთვის ძირითად მიმართულებებზე განმენდითი სამუშაოები დასრულდა და საავტომობილო გადაადგილება უკვე შესაძლებელია, ხოლო დარჩენილ მონაკვეთებზე სამუშაოები კვლავ გრძელდება.